

## 09.03 MARELLA

---

### **Telefon da l'Afganistan – da la relaziun cumplexa tranter guerra e vardad**

*Cura ch'igl era finalmain reussì al reporter da guerra Carl Just da metter ad ir la lingua da satellit or da la fradaglia da l'Afganistan per telefonar en la redacziun, haja il schefredactor pendì si il telefon. El saja en il tren en il vagun da silenzi.*



Oz ri Carl Just cun raquintar quai, quella giada saja el vegnì grit. Rapportar da la guerra vul dir rapportar d'ina realitad tut differenta – e tuttina saja stgaffir publicitad l'unic instrument cunter la brutalitad da la guerra. Tenor il motto da la legenda da reporter Egon Eewin Kisch «Nagut n'è pli excitant che la vardad», ha il Grischun Carl Just rapportà 18 onns da las crisas da quest mund. Er il schurnalist ed anteriur delegà dal Comitè internaziunal da la Crusch Cotschna IKRK, Gian Ramming, ha adina puspè già da far cun perspectives sin conflicts e realitads rapportadas. Per la «Marella» è Isabelle Jaeger sa messa cun els sin ils fastizs da la relaziun cumplexa tranter guerra e vardad. Redacziun: Isabelle Jaeger